



Nuuk 19. maj 2020
UPA 2020/168
Jens Napätök, Partii Naleraq

Uunga siunnersuut: Inatsisartut Naalackersuisullu pillugit Inatsisartut inatsisaata allangortinneqarneranik Inatsisartut inatsisaat, nr. xx, uu. qqqq 2020-meersoq. (Naalackersuisunut apeqqutit)

(Inatsisartut Siulittaasoqarfiat)

Inatsisartut Naalackersuisullu pillugit Inatsisartut inatsisaata allangortinnissaa pillugu Inatsisartut inatsisissaattut siunnersuut , nr. xx. uu. qqqq. Imatut Partii Naleqqamiit oqaaseqaateqarfigissavarput.

Siullermik maluginiarsimavarput Inatsisartut inatsisissaattut siunnersuutip qulequtaa, tassalu qulequtaq taasissutigineqartussa qpaatsunganarsinnaasumik nutserneqarsimammat aappassaaneertsinnagu ataatsimiitaliami nalilersorluarneqarnissaa kaammattuutigerusupparput.

Inatsisissatut siunnersuutip imarisaa aallaaveqarpoq Ukiarmi inatsisartut suleriaaserput pillugu immikkoortoq 26-imi aaliangersagaanitta kingunerisaani julip aallaqqaataani 2020-mi atuutilersup § 37 Naalackersuisunut apeqquteqaasiortarneq pillugu akissuteqartarnissamut Naalackersuisut pisussaaffeqarnerannut tunngasup akornanni tamakkiisumik naapertuuttoqalernissaa qularnaarneqarnissaa.

Ukiakkut ataatsimiinnermi Partii Naleqqamiit oqaaserisimasagut sulii illersorlugit inissisimavugut.

Partii Naleqqamiit demokratii pingaaruteqartorujussuartut aammalu illersortariaqarluinnartutut isigaarput. Nunap inuisa tusaaneqarnissat taakkulu qinigaat sulineranni tamarmik peqataatinniarlugillu tusaaneqarnissaat pingaartitarilluinnarparput.

Nunap inui isiginnaartuuginnaratik peqataanerujartuinnarnissaat piinnarnagu aamma nunap inui avatangiiserisaalu aallavigalugit ineriartortitsinissaq piffissanngorpoq, taamaattumillu



Nuuk 19. maj 2020
UPA 2020/168
Jens Napätök, Partii Naleraq

nipangersaasoraqarani aammalu ammanerusumik periuseqarluni nuna manna ineriartortittariaqalerpoq.

Demokrati oqaasiinnaassanngilaq. Demokrati annertuujuvoq aammalu taamatut oqartussaaqataaneq peqataatitsineq oqaasiinnaanngitsumik pingaartitat ilagilluinnartariaqarpaat, taamaasiornikkut isummat assigiinngitsut naapiffiat isumaq, periusissaq ataatsimoorfiusoq nunap inui pillugu pilersassamat. Isummat assigiinngitsut nalilersorneqaratillu naapiffeqarsinnaanngippata taamatullu nalilersuinermut toqqammaviusassanngippata sanngiinnersumik inissikkiartulersimassaagut.

Atituumik siamassisumik peqataatitsisoqanngippat demokrati inerisimanerigalua sanngiilliartulissaaq. Peqataaneq annikkiliartulissaaq.

Taamaamat anngukkusutat apeqqutigerusutat aammalu Naalackersuisunut kaammattuuteqarsinnaanerit aqqutissaapput demoratimut nukittorsaataasussat akerlianik iliornerit demokratiimik nukillaartitsiartulertussaapput.

Sineriarput isorartooq tamaat inoqarpoq, taakkulu nunap inui atukkatik pillugit Naalackersuisunut aqqittariaqarluninartunik saaffiginnittaarlutik tusaaneqarnissaminnik aammalu nunap pissarititaanik atorluarsinnaanerunissaminnik toqqammavilersorlutik saaffiginnissuteqartuaraluarput amerlasuutigut akineqarsanatik maannakkut inissisimalersimanagerat eqqarsariarnaannarani akuersaarneqarsinnaanngilluinnartut ilagilluinnarpaat demokratiimik pingaartitsisuulluni.

Tunumi illoqarfiinniit nunaqarfinniillu saaffiginnissuterpasuit akineqassanik pipput taamatullu kujataaniit avannaanut avanersuaq tikillugu saaffiginnissuterpasuit akineqassanatik inissisimalersimapput, nunap inuisa apeqqutigisaat aammalu aaqqeeqqusillutik noqqaassutigisaat toqqammavilersorluakkat.

Taamaamat Partii Naleqqamiit paragraf 37 atorlugu Inatsisartunut ilaasortat Naalackersuisunut matoqqasuunngitsunut apeqquteqaateqarlutik sulianik



Nuuk 19. maj 2020
UPA 2020/168
Jens Napätök, Partii Naleraq

kaammattuisarnerat aammalu qaqilerisarnerat annikillisaavigeqqinnagu isumaqarpugut akerlianik nukittorsartuartariaqartoq.

Nunap inui tusaaneqarusupput aamma Inatsisartunut qinikkat atugaat taakkulu pitsaasumik kiffartuunneqarnissaanik Naalakkersuisut peqataasussaapput, taamaamat neriuppunga imaalinngisaannassasoq apeqqutit suugaluartulluunnit qaqilerneqarsinnaasartut aporfilersorneri annertusaqqinnagit pitsaanagerusumik aammalu periarfissaqarnerusumik inerisaaffigineqaqittariaqartut. Taamaamat Parti Naleqqamiit kaammattuutigisimasarput tassalu Naalakkersuisunut oqallissaarereernermi kaammattuisinnaaneq Inatsisartut amerlanerussuteqartut tunuliaqutaappata pisinnaatitaaffigiuartariaqaripput Inatsisartunut ilaasortaasugut.

Oqaluuserisassaangortitsisarneq taama qaratatigisoq aammalu ajornartartigisoq eqaanagerusumik Inatsisartut kaammattuiuarsinnaasariaqarput, tamanna annikillisarniarneqara uagut Partii Naleqqamiit akuerisinnaangilarput, taammaammalu nalilersuiffigineqaqqiinnarani periarfissaanissata aaqqiiffiginissaa piunasaqaatigeqqipparput neriuppugullu Partiit allat aamma tamanna kaammattuterput tusaallugu tapersersussagaat.

Taamatut oqaaseeqarluta ammasumik periusseqarluta aammalu Naalakkersuisunut killersugaanngitsumik Inatsisartut apeqquteqartuarnissaat illersorlutigu oqaaseqaateqarpugut.